

雍虞先生道園類稿

七



雍虞先生道園類稿卷之十二

冊文

明宗皇帝祔廟冊文

臣聞統必有宗生嘗得以致其讓廟必有主沒思所以尊其名稽古考文宜天錫謚欽惟

先皇帝夙秉勇智惟時元良體傳次之成言避謳歌而逃出雖身居絕域多歷於歲年而義動遠人樂爲之先後德威孔著未堪大業之艱貞事變匪常猶閔生靈而慎動庶來蘇於後戴髮戡定以奉迎已謹清

道園類稿卷之十二

宮俄虛善屋臣民寡祐永遺惠澤之敷施天日有臨尚想神明之如在禮嚴升祔誠備顯揚謹遣攝太尉某官某奉玉冊玉寶上尊諡曰

翼獻景皇帝廟號

明宗伏冀獻靈俯回歆格克綏丕祚垂裕無疆

皇后祔廟冊文

伏以進承大統奉宗廟以無私升侑闕宮在邦家而有制永言徽懿宜極尊崇

英宗皇后允吉刺氏媿德英皇相時至治

作新

禮樂親孝祀之苾芬總覈權綱成化功之簡易曾賚  
中助丕顯前聞故周南詠輔佐之勤坤道著順承之  
美鼎湖夕逝感霜露之恫身椒掖晨空驚歲時之即  
遠乃脩縟典式贊嘉稱謹遣攝太尉某官 某奉玉  
冊玉寶上尊號曰

莊靜懿聖皇后升祔 英宗廟室伏惟濯赫有靈陟  
降在上歆于天饗於萬斯年

皇后冊寶文

皇帝若曰朕祗服 祖宗之成訓式嚴統緒之正傳

躬荷洪休勉登大寶揆乾坤之定位觀日月之合明  
乃睠壺闈聿崇稱號 皇后兪吉刺氏專靜謙抑懿  
柔淑嘉世有令儀來相宗事肆朕舊勞於遠外兼夙  
夜以憂勤既予力濟於艱難亦後先而輔佐若昔朝  
廷之體循茲典禮之常官府具宜家邦興讓今遣攝  
太尉某官某持節授爾玉冊寶章以陰教乎內備協  
人文以順承乎天永寧地道噫生民之詩作不忘厥  
初關雎之化行庶幾有助尚綏景命克配無疆

皇太后冊文

嗣皇帝臣御名謹稽首再拜言曰臣維

祖宗積累之勤奄有方夏先皇仁讓之至全付眇  
冲奉神器以持盈仰慈恩而思報欽惟

皇后陛下德齊睿聖躬濟艱虞相協成功著坤儀於  
天下彌綸大造凝鼎命於禁中爰尊太母之鴻名祗  
若我家之盛典式隆孝養保佑方來謹奉玉冊玉寶  
上尊號曰皇太后伏願上帝昭融眷我皇國於萬  
斯年介以景福永言思齊祚胤千億臣御名誠歡誠  
并稽首再拜謹言

明宗皇帝升祔樂章

猗那皇明世繼神武敬天弗違時潛時旅龍旂在塗  
言受率土不遐有臨永錫多嘏

制誥

封宣聖夫人制

我國家悼典禮以彌文本闡門以成教乃瞻素王之  
廟尚虛元媿之封有其舉之斯為盛矣大成至聖文  
宣王妻并官氏來嬪聖室垂裕世家邊豈出房因流  
風於殷禮瑟琴在御存燕樂於曾堂功言艱若於遺

氏并官

聞儀範儼乎其合德作爾禕衣之象稱其命鼎之銘  
噫秩秩彝倫吾欲廣關雉鵲巢之化皇皇文治天其  
興河圖鳳鳥之祥可特封大成至聖文宣王夫人主  
者施行

鄆安大長公主詞頭

皇家制禮恩實重於懿親帝女正儀體尤隆於尊屬  
肆頒異數祇協彝章公主某慈孝夙聞肅雝維則翟  
車象服備赫奕於先朝鳧繹蒙適奠安於樂國爰  
進加於長號又增益於大名於戲詩詠穠華德彌崇  
於戚畹易占元吉世永保於藩封

封太平王制

朕正祖宗之統入續丕圖國有社稷之臣曾維世胄  
既克戡於多難宜超示於殊恩具官某沈鷲有謀英  
銳無敵我皇考昔撫軍於龍朔而爾父寔佐命之  
虎臣賜券報功盟書啓籥更累朝而彌顯誠大歷之  
攸歸手握兵符力扶景祚及清宮而迎乘猶多壘之  
在郊臨陳誓師咸服奉辭之慷慨揮戈決戰衆驚用  
武之神明人民懷綏輯之恩城闕壯奠安之勢俾兼

司於將相用脩并於邦家韓信之輔漢皇論定當時  
之攻取子儀之在唐室身為天下之安危皆真食於  
王封今何歟於往轍是用錫之位號胙以上田禮冠  
絕於百僚名永垂於千載於戲有非常之功則有非  
常之賞朕用獎於勲勞建太平之業而享太平之成  
爾毋忘於眷注丕昭至意式克欽承

封營都王制

緬懷故舊之恩莫如阿保爰致褒崇之典俾極哀榮  
國有恒規朕無私惠具官某恭良而愿慈溫厚而老  
成卜以負之昔被東朝之簡用擇其可者並居田觀  
以扶持嗟備著於勲勞不少留於耆賢之肆予踐跡首  
錫儀封時巡來次於近郊秋露又濡於宿草顧茲賁  
典未究深衷乃命外廷更由異數於戲五等之重  
莫過於王封千乘之邦親莫先於畿甸尚期英爽承  
我休嘉

封營都王夫人制

纂圖撫運崇德報功追念爾勞克任保持之力至于  
今日共享安榮之時天不假年禮宜異數具官某出

入禁掖左右朕躬安其煦育之柔稱爾溫良之懿邦  
家宮府共興故舊之思車服土田何愛便蕃之錫爰  
頒予渥俾相其夫於戲若昔諸侯王有生至貴封之  
千乘國無憾令終

### 封營國公制

國之令典必兼恩義之隆時維舊勛宜錫褒崇之盛  
嗟其遠矣今俾申之具官某自其幼時在朕潛邸襁  
褓共其燥濕起處與之周旋越在艱難尤負勞勩屬  
橐鞬而未釋傷雨露之逾深擁轡以歸籌帷頓失迨  
予續緒風雲千載之興獨爾親臣立隴九原之闕廓  
其封兆錫以榮名顧未究於予懷乃增疇於大邑於  
戲萬鍾之祿雖不及於生前兩世之封庶有勸於天  
下

### 封營國公夫人制

盡瘁以仕良臣有嚮衛之勤從一而終貞婦抱純誠  
之懿錫以寵數光于幽潛具官某妻某淑慎其身柔  
嘉維則閔殷雷之勤而勸義守柏舟之誓而靡他同  
穴而藏得相從于地下疏恩以報何不逮於生前賁



之簡書易其湯沐於戲哀榮被於兩世固申勸於舊  
勞忠孝萃於一門亦以表夫高節

### 封寧朔王制

朕慕膺丕緒聿懷舊德之臣敷歷治朝夙被

先皇之眷未及懸車之歲遽聞拱木之新爰命有司  
備循彝典具官幹亦剛明而有守沈毅而善謀閑輿  
衛於藩垣治軍實於幙府自覃懷而入定內難與贊  
廟謨望龍朔而奉道前驅仰承天表進拜集賢之任  
旋參儲極之寮徧踐清華具瞻台鼎徃填南服偶逢

草棘之弄兵乃使北還猶駐旌帷而按堵不遺憂於  
宵旰真知體之股肱久簡朕心方將柄用迺致愆遺  
之誅實深耆艾之思賢子能忠在朕左右真王加錫  
賁卿始終並兼封贈之崇式表哀榮之極於戲徃哉  
魂鳧樂壯美之山河宜爾子孫輔尊安之社稷

### 封寧朔王夫人制

睽我大臣既極褒崇之典相其內助宜同恩數之隆  
俾增耀於禕褕用齊華於圭衮具官幹亦妻鐵理柔  
嘉而端肅恭儉而和平克贊其夫終始股肱之任善

儀諸子服勤左右之方身致康寧家用昌熾命錫封  
章之貴養宜鼎食之珍於戲維此朔方寔爾世家之  
舊躋於上壽用成賢母之名

封遼陽王制

朕寅奉丕基務推茂澤迺瞻廷臣之舊昔膺柄用之  
勞俾率彝章特還卹典具官哈散秉資謹愿接物寬  
容始緣宿衛之勤尋寄貨泉之任致身省闈蓋歷事  
於五朝執政廟堂嘗首相者數載每規隨於晝一克  
同協於和恭均逸外藩遠將德意宣恩東服備著輯

綏凡其登進之時率在阜殷之日久奉公於夙夜亦  
良稱於股肱弗永終譽遽興遠慨秋霜在野莫追既  
徃之悲旦日行封尚服維新之渥茲誠異數式慰遺  
魂噫遼海非遙姑遂懷鄉之志子孫不隊益推報國  
之忠

封燕卜憐知院祖明里制

我國家教孝以勸忠因近以及遠德之茂者名久而  
後著恩之深者爵加而逾隆具官某愿而能恭勇而  
知禮始逢景運當東征西伐之殷先啓戎行有左弭

右輔之助克勤乃事竟隕厥躬顯庸不及於當時勲業乃興於後裔往稽故府宜錫嘉邦於戲古者專城重地莫逾於上谷賁諸幽壤名王遂賜於全封爾其有知服我休命

祖母

師武臣力國家致興運之隆

母子有成人

之造異恩所洎豈曰徒然具官某儉以飭躬慈而逮下相其夫子每崇忠厚之風宜爾家人用啓功庸之盛是以甫及再傳之後並登一品之榮五世其昌三

道目類卷之二

九

王並列於戲酬其勞邑欲遠舉於雲中咨爾臣工以示勸於天下用申顯命以賁幽宮

父

中興啓運則必有帷幄之舊不二之臣重祿勸功則必有茅土之封便蕃之錫具官某曩在宿衛已著勤勞王師飛渡於長江旣賈先登之勇使節載臨於多壘不忘命將之忠逮其子孫相我家國至重者本兵之任至嚴者風紀之司而爾一家兼備兩府故紀勲庸之盛以彰信任之功列以王章著之邦典於戲

雍州之地武重師垣申泰山之盟聿昌世賈益崇忠  
蓋用保休嘉

趙平章加官封制

宰輔者政之根本特疏貴爵之封老成者國之著龜  
爰極文儒之任進登崇級增重化權具官趙某方嚴  
而精明果毅而詳縝卓以委難之曹儼然韋布之風  
始事

世皇即拜御史多歷年所徧踐臺司閱實簡書每先  
幾而扶直作新風紀必正色以摧姦常依日月之光

不改冰霜之操游在政府蔚為名臣嗟賢者之遘屯  
見予家之多難蕭望之身罹機禍幾貽咎於當時汲  
長孺面質深文恥獨為於君子暨予戡定嘉爾勤勞  
審是統宗既蹈危而奉義至其子弟亦見殺以成仁  
方圖報之在衷屢引年而為說載念紫微之務實資  
黃髮之詢是用建爾上公保茲東魯可優游於館閣  
以勵相於國家於戲慎乃威儀赤舄具瞻於几几俾  
之耆曼泰山庸作於巖巖爾其欽哉服我休命

封悟理閣八制

粵有高僧來從西域式弘內教爰錫嘉稱悟理間八  
歷世勤脩一源不昧寶月長臨於逝水慈雲隨起於  
祇園遠探夙智之因如指其掌廣說真如之蘊實契  
予心紹隆佛種之傳以稱國師之號可特授智勝妙  
行宿慧通應圓悟佑福國師

封鑑贊八制

象教之行國家所尚宜申嘉號用表高僧鑑贊八性  
本天成世隆佛種昔弘宣於內典蚤有譽於諸方物  
不累心舍奉己者二萬戶事融於理獨隱居者十餘  
年既徇請而一來宜具書於衆善可特授宏智正悟  
大辯總持勝濟慧福國師

封蔣山寶公和尚制

朕丕纂鴻圖中興景運致百靈之扶翊出庶徵之禎  
祥迺瞻真如尤深簡注寶公和尚現化身而濟世持  
應器以垂機顯密齊彰神變著聞於當日慈威互用  
蔭休行及於千年藐在大江之南常住道林之上朕  
昔居潛邸恒仰寶坊萬石懸鐘表明珠而不灼四阿  
承雷輯多寶以新成暨余踐祚之初首致加封之敬

若稽祀典宜錫贊書噫尚鑑至誠豈直朕躬之禱益  
弘願力俾堅兆姓之安

封張真君制

朕惟有道之君臨治貴無爲而民化故先哲相承於  
上德而至譽不執於常名瞻茲大歷之在予懷昔異  
人之輔世具官某倅以興運驟然來儀咨庸方篤於  
睿思晤對即符於神會嘉謀入告其辭如徵於著龜  
成功不居其志固輕於軒冕處身於至約之地毓物  
於太和之中酬酢事變而先見其幾從容朝廷而不

濡其迹設教獨高於衆甫傳宗最號於多賢盛服齊  
明保合天人之際基命宥密贊襄邦國之休遽脫屣  
而弗留每當宁而永慨猶慮人間之爵莫縻方外之  
游俾極崇稱以表高致於戲陟降左右想陪  
列聖於帝庭出入有無恒佑萬年之皇祚尚紆玄覽  
祇若寵章

封大道教十一祖張真人制

朕慨觀古昔有懷大道之淳歷考聖神悉尚至誠之  
本緣名而設其教論世以嗣其宗其說之興于今茲

久張某淵乎授受遠有師承結宇丹臺仍載皇人之  
肇奉祠黃石蓋由老父之書惟神物之猶存乃嘉名  
之是錫率由其舊者渥惟新噫與天下而爲公朕用  
敷於至意居域中而同大爾毋戮於真風

策問

廷試策問

洪惟

太祖皇帝受天明命肇興景祚

列聖繼作四征不庭鋒旗攸指靡不率服迨我

道園類案二

三

五

世祖皇帝混一區宇職方所載振古未有於是建國  
紀元立官府置郡縣制禮樂定貢賦帝德王功之盛  
粲然如日星之行天四時之成歲也六七十年之間  
講之益明治之益習天下晏然守其盈成者又何以  
加之哉朕纘承正緒夙夜祗懼承我

聖祖神考之心比歲再禩太室仰而思之求盡其道  
而未能也夫親親莫內于九族今百世本支繁衍盛  
大則既尊位重祿矣尙有以勸之之道乎尊賢莫先  
於百揆今世臣大家勲業昭茂則亦既富方穀矣尙

有以體之之道乎多方內附之衆因其俗而導之者亦既久矣一而同之之道尚有可充者乎生聚教養之民因其生而厚之者亦既周矣協而雍之之道尚有可致者乎書曰鑒于先王成憲其永無愆朕之志也子大夫咸以道藝來造于庭其備陳之朕將親覽焉

廷試策問

朕聞伏羲神農黃帝之事見於易堯舜禹湯文武之治存乎書皆聖人也其號雖殊而治化則一日月星

辰之爲天丘陵川澤之爲土君臣父子夫婦長幼之爲人三極之道有以異乎宗廟也朝廷也師旅也禮樂也佃漁也耕桑也時之所尚雖小有損益其爲治之具豈有易於此者乎然而伏羲神農黃帝之所以爲伏羲神農黃帝堯舜禹湯文武之所以爲堯舜禹湯文武可得而別歟伏羲之卦文王申之神禹之疇武王詢之文無異也然伏羲之作造化備矣何以有待文王武王之心神明通矣何以猶待於箕子然則羣聖之與有待於後世者猶無窮乎子大夫習之於



師考之於古得之於心宜之於今亦素有其說乎朕誠以爲非伏羲神農黃帝無以爲道非堯舜無以爲德非禹湯文武無以爲功心術之精微制作之會通子大夫其悉陳之朕將親覽焉

會試策問

傳曰春秋教以禮樂冬夏教以詩書若稽古昔率是道也吾夫子脩禮樂刪詩定書贊周易作春秋天下萬世賴焉漢立學官經制博士名家之學史具可攷歷唐以來定爲註疏立教者用之 國家設科取經

術之士今十餘年矣廓而明之不在學者乎自漢唐至于近代說經者多矣或傳或否悉論焉則累日不能旣其目請以耳目所共及者而問焉易自王輔嗣之說行而言象數者隱其有存者猶當攷乎邵子先天之學可得而傳乎程子之傳朱子之本義旨意所指文義所當有異同乎書有今文古文之辨傳者終不敢析而爲二以昔人成書有未可輕意者乎詩自毛傳盛行韓傳僅見迨朱氏傳出一洒其故其有所授乎毛鄭舊說猶有可論者乎春秋左氏公穀之傳

與經並行久矣至于啖趙陸氏始辨其不合而求諸經君子躋之三子之說果盡得其旨乎劉氏權衡三傳益密于陸而劉傳果無餘蘊乎胡氏之說其立義得無有當論者乎禮有儀禮及大小戴記又有周官小戴記今用之儀禮其經也可弗講乎大戴記猶有可取者乎周官之制可互攷乎鄭氏之註其歸一乎此固君子積習而素知者其詳言之

會試策問

昔者神禹盡力溝洫制其畜洩導止之方以備水旱

之虞者其功尚矣然其因其利而利之者代各有人故鄭渠鑿而秦人富蜀堦成而陸海興漢唐循良之吏所以衣食其民者莫不以行水爲務今畿輔東南河間諸郡地勢下春夏雨霖輒成沮洳關陝之交土多燥剛不宜於曠河南北平行廣袤旱則千里赤地水溢則無所歸往往上貽宵旰之憂至發明詔脩庶政出粟與幣分行振貸恩德甚厚思所以永相民業以稱旨意者豈無其策乎五行之材水居其一善用之則灌溉之利瘠土爲饒不善用之則泛溢填

淤湛漬齒食茲欲講究利病使畿輔諸郡歲無墊溺  
之患而樂耕桑之業其疏通之術何先使關陝河南  
北高亢不乾而下田不浸其潞防決引之法何在江  
淮之交陂塘之跡古有而今廢者何道可復願詳陳  
之以觀諸君子之學

雍虞先生道園類藁卷之十二

道園類藁卷十二

十七

雍虞先生道園類稿卷之十三

祝文應制

水陸會功德山文

我國家 聖聖相承深仁厚澤浹於人心累洽重熙多歷年所

今上皇帝濬哲文明纂承大業好生之德已洋溢於萬方恭已之誠思貫通乎上下海涵春育無聞幽明兩順風調大同遠邇 聖恩盛大茂以加矣而萬幾之密猶垂念於隱微九有之師或未該乎冥邈勝脩

道園類稿卷之十三

法會式究淵衷乃脩水陸冥陽大齋于萬壽寺自三月一日啓建七日滿散乘法寶之威光成金心之願力播蓋香華種種妙饌齋儀梵唄一一圓成凡我佛子昔自多生歷酬定業或以刀兵水火或以疾難饑荒沈迷五濁之惡塗未返一真之本性遇良因於今日得勝妙之現前渴飢並獲於清涼苦惱悉超於極樂來生佛土祇奉明時回向菩提增崇 聖壽臣等迺稽首而作偈曰

聖上運大慈憫諸有情等作此大勝會供養佛法僧

勇識妙蓮華諸大阿羅漢畢支迦五明金剛大威德  
護法諸龍天凡在虛空界敬禮等無二開闢諸方隅  
光明悉照耀乃至諸明括往昔善持世四生及六道  
凡在苦趣者悉皆承佛力來赴於道場心花得發明  
諸識轉爲智一切現苦業消滅無復續巍巍大功德  
皆由聖心起我聞昔有人積寶如須彌持施得福  
多恒河沙難喻我  
皇勝妙因福報不思議視彼施寶者千萬不及一我  
等佛子衆各生慚愧感稽首贊吾

皇聖壽千萬歲與佛共悠久

水陸會緣起文

原夫一靈圓妙本不昧於昏迷歷劫無明遂有淪於  
流轉我佛興大憫念開方便門譬彼宵征遠道冥行  
荊棘之林我以慧炬照之則前進無殊於白晝又如  
往濟大川忽遇風濤之險我以慈航渡之則安行無  
異於陸途施平等於無方悉資拯度嗟幽沈之有苦  
尤切哀矜於是日連感定業而生悲觀音化面然而  
啓教十方諸佛共弘應供之名六道四生亦攝菩提

之海大士仰承於佛勅道場肇建於當年孤峰接雲  
海之空明白日映江潭之澄澈神靈交會凡聖混融  
分八位上下之殊作萬劫圓通之施流傳既久證驗  
尤多我

今上皇帝與佛同心如天之覆念生成之類已在於  
鈞陶而冥邈之蹤尚迷於出沒迺鑿人天之意大脩  
水陸之儀爰命國師俾提法要迺以三月一日於大  
都萬壽寺脩建水陸無遮法會七晝夜上資善逝之  
恩光下拯孤魂之陰昧香積普熏於世界盡斷惡緣

妙蓮應現於池中悉離苦網咸來佛會共沐帝恩  
逍遙極樂之鄉不墜輪迴之境同生仁壽域共報  
聖明君乃說偈以贊曰一切衆生皆具佛性如摩尼  
珠五色隨映如何累劫業識相因無明展轉生死根  
塵我佛慈悲施方便力如大醫王救彼痼疾餓者令  
飽渴者與漿幽闇與明熱惱與涼況爾六道諸苦隨  
業不藉佛恩何由自潔聖皇在上運大仁心樹旂  
慧幢立功德林作此道場期七晝夜平等無礙均一  
高下光明圓滿如佛現前孤幽沈魂權喜慶筵如是

勝因增崇聖壽億千萬年堅固悠久

國醮青詞應制

建壇詞

荷天洪庥膺國大統肇惟元祀奉若明禋殊庭脩秘  
祝之嚴肅拜候景光之集伏願環紫壇之納陛闕黃  
道於叢霄天極旋樞日星昞曜后祗薦祉川岳闡珍  
用期泰定之民均被豐成之賜

朝詞

聖祚在躬肇啓改元之歲道宮脩禮丕昭答貺之誠

道園類稿十三

四

禱以再三監茲精一伏願乾元統御坤道順承時對  
春陽導本支之密達紀增神策保宗社之尊安遂以  
生成均陶動植

三清

荷天地之洪休晉承繼序奉祖宗之成憲思究彌綸  
期致達於丹誠惟謹資於玄教肅將蠲潔用極依歸  
伏願慶衍中朝仁儲大本休明啓佑百神受職以安  
寧福祚延洪萬世奉天而長久

昊天

入膺丕緒有命自天載省眇躬無疆惟恤啓淵衷之  
至實感真貺於太虛伏念比屬盛時俄慨堅冰之早  
辯永懷讓德不忘曠日之初心迺正誼以廓清期與  
民而寧一用發憂兢之慮悉紓對越之恭伏願乾御  
陽剛坤成地道祖宗陟降同保佑於高明家國治平  
丕顯承於悠久

后土

集基命於眇冲始建初元之紀覽幅員之廣表益思  
大業之興祗若寶圖誕敷金錄伏願玄功有造至德  
無爲道致謹於順承協成泰定物資生於厚載保合  
乾剛

醮星文應制

太陽

赫赫太陽秉陽之精照臨天下達我皇明克循克軌  
永底隆平

太歲

翼翼倉龍集于巽維紀綱百神運行四時相我君道  
壽我皇基



歲后

於赫歲陽配于陰呂承于大君內治之宗以牛以成  
登我歲功

金星

奕奕長唐煌煌啓明主我兵事宜順其經弗僭弗忒  
邦家以寧

太陰

明明太陰配陽麗天主國之刑勿忒其躔以順以寧  
于以永年

道員考卷十二

六

室宿

惟乾之維是為營室炳耀定中景命有翊廣開天門  
相我無數

天剛

龍角在田帝車所持聖人之生次舍在斯攝提衆星  
萬壽是基

病符

歲德所紀主病有符視其被祥傍射在隅於赫景命  
靈其祓除

大耗

歲有癘神耗之大者集于乾隅衝照辰舍乃謹祓除  
勿害純嘏

土星

煌煌填星位于中宮行地無疆承天之功用集嘉福  
懿範是崇

小吉

鶉首之舍月后所臨東井洋洋景耀昭森扶我元靈  
萬福來歆

並目錄卷之三

七

喪門

左挾丁符右接坤隅孰敢啓門當我吉居祈祓不祥  
以寧皇輿

金神

太白之精其神孔武翊我西南孰祓孰禦宜歛其祲  
勿聞多祜

元辰天剛

於惟聖皇受命于天斗車提綱龍見天田萬物振羨  
威信是宣以介景福樂只萬年

羅喉

赫赫有威維天之首日月之行交道豐蔀烜兮照臨  
景命先後克相有道天子萬壽

室宿

熒熒營室天之玄宮以藏以息肅肅維維乃瞻元台  
惟茲是從錫福未央如定方中

小吉元辰

位南以西爰即于坤東井洋洋有漑其原肅肅中宮  
景命在垣元吉之福既昌以蕃

皇明萬曆三十二

八

太陽

赫赫太陽曰躋于乾順德維坤承暉弗愆昭光播和  
若春載暄萬福來臨與天齊年

參宿

載瞻參墟明星煌煌乃占其書孝謹忠良肅肅中宮  
景命溥將儷于聖明既壽永昌

太衝元辰

有嚴太衝維震之宮青陽載熙木德乃通時維天子  
景命是逢導之太和被之仁風

太陽

中老行天至尊以光誰其承之維青之陽輝輝煌煌  
繼照四方星輝月輪永保無疆

斗宿

斗為天機日月耀芒酌量政事優進賢良於維聖子  
元台是當錫福自天欣欣樂康

太陽

東望扶桑赫乎九芒下被萬物麗天為章東賓西饒  
靡朝敢忘錫我景福於昭輝煌

八道園類書卷十三

九

太白

肅將金行司天之刑順軌出入厥有常經掠於軒轅  
占者以告敬恭用榮景福來報

軒轅

祭祭軒轅黃龍之體屬于內庭占者所紀長庚來于  
非順之軌載榮載禳轉作多祉

太陰

占象于坎受陽以光配於大明流輝四方天清地寧  
軌道有常介我景福萬壽無疆

太歲

歲維昭陽辰在協洽神君所臨萬靈來合皇皇景祚  
奉德秉法我將我享嘉佑斯答

白虎

於菟耽耽為兌之神為素為刑莫之敢嬰迎祭于西  
為禮孔殷神其食之介福來臻

大耗

滿盈之過神則害今從而虛之孰可賴兮占歲之行  
厥有恒所尚易其晉豐我多嘏

迎神

肅肅靈臺三光下臨旨酒牲牢嘉幣吉金肅將祀事  
罔敢不欽赫赫洋洋神其來歆

送神

靈臺有享神具來格其祥如雲其近如日嘉禮告成  
景賦秩秩相我寶祚於萬千億

醮星文應制

迎神

肅肅清臺曆象是司維天有神維地有祇爰動牲幣

以禱以祈歲祀奉迎靈其鑒之

太陽

出乎暘谷升乎扶桑麗于中天照臨下方愛而燠煦  
畏而蒼涼咸曉有禱降福穰穰

太歲

煌煌明堂歲君攸居位于鶉首殿乎坤闈東井洋洋  
土德之基錫我嘉福順我禱祈

歲后

歲德至尊歲后配之黃裳元吉象服是宜理其內教

道園類集十三

二

以佐無為沁園有禱卻除病蓄

勝光

陰之始生實自于午於  
為始柔順斯主皇有懿戚  
元辰麗焉是用禱祠惠我安痊

土星

中黃正氣維土之神神氣上騰煌煌向晨元辰有宮  
其光來燭鑒于咸邱悉茲多福

婁宿

維王之生誕彌其月溯其元胎在魁之揭其宿維婁

光耀燁燁除我疾疢安康毋越

病符

六氣不齊庶疾乃生誰其司之有神孔明執其靈符以佐歲行禱以嘉薦惠我安寧

金神

五行之中金主肅殺有神孔威司是嚴伐歲行遇之伊怒孰遏享我忱禱毋敢陵越

災殺

沴氣所生曰能致災而以殺名不亦暴哉和以嘉醕柔以嘉脯順而好生永錫多祜

喪門

白馬素車人實忌之孰啓其門有神蒞之上帝好生爾獨何爲攝而憖心安我戚闈

五鬼

五氣之歸其名爲鬼絀而弗伸有繁厥類載以酒漿道以車船旣享而除勿爲禍愆

青龍

星有角尾其象維龍蜿蜒蜿蜒東方之宮木德司春

為善為仁永錫嘉祥百祿是臻

白虎

昂畢之上其象維虎有虓其武在西之辯金德是司  
為義為刑尚斂其威美疢用寧

送神

陽主于德陰主于刑刑斂德揚陟降在庭既享既歆  
以安以順神還應遲福以時進

醮星文應制

迎神

欽若昊天觀象知敬爰即靈臺秩祀惟謹大庖既享  
大尊既盈神其格思來享克誠

太陽

東望扶桑赫曦來升群陰既伏萬國咸明朝賓暢谷  
彝禮斯在齋宮告誠綏祿萬載

太歲

煌煌歲君臨于端門有烜未方歲德攸存當離之明  
如日斯赫降爾嘉祥以輔有德

天剛



蒼龍之墟左爲天田祥蛟應龍景命所躔斗爲帝車  
維剛是指相我有道來錫繁祉

小吉

維鷄之首土德是毓是爲吉神厚德嘉福宮壺嚴嚴  
景命所臨徽柔懿恭式薦其欽

功曹

寅爲人統其方析津肅肅青宮盛德維仁煜煜箕尾  
保我景命克長克安以輔明聖

歲星

盛德至仁所主爲歲長養生成福祿攸係煌煌景光  
臨照有方一人以寧萬國彌昌

羅喉

明離有神維南是司承其餘光劒戟孔威其威孔揚  
其福亦厚來降來享作我嘉祐

太陽

明兩作離繼照四方赫其有輝照我青陽青陽有燁  
百福來委俾熾俾昌以承天子

太衝

木德之盛次於震方至仁應規以佐青陽迺錫嘉福  
以暢元氣帝后萬年本支百世

太白

長庚之精司兵司刑燁燁其輝輔日而行斂爾光芒  
順爾軌度以安以寧佐我昌祚

熒惑

赫赫炎炎揚光於天孰當其鋒奮烈莫前維國有道  
宜順軌則順行為福以相有德

歲后

黃裳元吉以順為則佐於歲君豐阜民物靈臺有祠  
敬恭禱祈陰陽理和百福是宜

青龍

東方蒼龍至仁至靈角尾之間赫乎明庭青旂蒼玉  
禮祠維肅蜿蜿誕誕來降景福

白虎

兌為白虎至雄至武其德為金威怒孰禦白旂素車  
象德以祈風其從之百祿是宜

送神

成象於天降靈於地國有令儀克致禱祀禱祀敬恭  
神歸匪遲天子萬年福履綏之

金錄普天大醮青詞應制

建齋詞

續述丕圖恪奉 祖宗之訓導迎景貺永綏家國之  
基冀輯福于眇躬暨息蕃于中壺垂象每懷於示儆  
祈年尤切於好生伏願慶衍宸闈祚隆繼嗣乾和保  
合三光全而寒暑平坤厚順寧五穀熟而民人育

祈嗣密表

道園類書卷十三

六

祗荷鴻休肆膺神器念 祖宗之付託思民社之依  
歸重惟繼嗣之隆實繫本根之固敢嚴秘祝用格高  
穹伏願錫祚慶圖申受上天之貺儲祥寶系益崇萬  
世之基

皇后保安密表

宸奉上穹申言中壺克相憂勤之念每嬰疾疢之虞  
冀道嘉祥用綏福履伏願高宸鑒格正氣宣通天清  
地寧保大和而合德家齊國治均厚福以資生

建壇詞

奉丕基以臨萬國于今有年類上帝而徧群神肇修  
秘祝仰賴溥天之慶俯將率土之誠紫壇森列於人  
文丹闕昭回於象緯伏願天垂甘露地發醴泉靈風  
受職以周旋道氣成章而邇遠永符至順季佑  
皇元

第一朝

月律應時卦極正陽之盛天根開景氣升清旦之初  
通變闔於雷風妙流行於山澤均承主宰咸赴禱祈  
伏願 聖祖 神宗陟降洋洋而在上 皇天后土  
卑高秩秩以分儀迺發禎符用隆寶曆延齡維永尚  
期媿德之同錫羨有輝更應多男之祝

第二朝

離為日坎為月瞻陰陽交易之機天應星地應潮察  
上下盈虛之候儼宸居之伊邇望晷景之方中敷宣  
藥笈之文朝步琅霄之境伏願赫曦繼照煌煌傍燭  
於萬方素曜並明肅肅順行於九道帝居臨制四序  
順成雲漢為章五緯咸若副此乾乾之兢惕錫子郁  
郁之嘉祥

第三朝

覩符瑞而告功升中斯在出雲雨而及物望秩攸崇  
巖巖民庶之具瞻肅肅天真之下治即秘祠而用幣  
及初夕以飛章伏願方嶽真封靈祇受職宗藩輯睦  
永綏磐石之安風俗清淳長被商雲之覆

第四朝

繼天立極亶惟上帝之聖神開物導民實贊無爲之  
化育道秉機緘之秘教興衣食之餘功被九歌業隆  
萬世藉白茅而明薦望素履於虛皇伏願無聲無臭  
以作孚鑒此小心之昭事不識不知而順則密符大  
德之好生民風馴致於雍熙國祚誕膺於長久

第五朝

鼓以雷霆潤以風雨彌綸功用之神求諸形體原諸  
性情三字玄元之造觀萬物散殊之迹知兩間虧薄  
之仁無爲而成有相之道日麗端門之景雲開秘笈  
之科伏願天德潛符歲功咸遂九農百穀無旱乾水  
溢之虞四海群生享安靜和平之福庶釋憂於宵旰  
用和惠於春秋

第六朝

一元合氣乘風澤於洞虛百谷來王出淵泉於溥博  
首五行而善利潤萬物以資生貨殖用興舟楫以濟  
稽古玄圭之錫沈茲蒼璧之章伏願地平天成府修  
事治玉書保運制衝潰之洪波寶稽宜年動滿盈之  
甘澤民安居於樂土國養德於長原漸被所同旁薄  
無外

第七朝

太元結氣冥思浩劫之初妙有垂芒昭徵延康之上

參贊化工於物始傳流神寶於人間保昌運以長存  
握真符而不宰將輯簡穰之福茂陳敷落之篇伏願  
乾曆開天坤珍闡地種民在宥颺言清靜之風景命  
溥將相協玄同之道忠言彙進道德彌光

第八朝

泰社之士五色重嘉穀之婁豐方澤之樂八成致幽  
祇之畢出帝命作九圍之式神靈會萬國之封力扶  
玉局之安寔奉璇霄之降伏願泰階昭晰坤道順寧  
物阜民康無疵癘札瘥之害兵復刑措皆生聚教養

之時以至永年並依玄造

第九朝

禮樂鬼神信顯幽之一致生成變化知闔闢之無私  
即昭明焄蒿之間布風雨霜露之教三光攸燭九夜  
斯煌伏願帝命下招天陽來復玉抱犀申禮余忠義  
之魂瓊簡羽章起厥幽沈之趣群類並躋於道岸泰  
和庶協於明時

解壇

五時列祠燁燁紫壇之燿火九宮飛步雍雍碧落之

空歌脩成絳節之朝敷散瑤華之景玄科有誠至敬  
無文伏願陟降在茲達玄黃之玉氣福祿來下生丹  
碧之芝英普與群生恭承嘉惠

設醮青詞應制

三清

奉承寶位對太上之顯光保佑眇躬罄淵衷而忱禱  
肅清瑤館修設金科伏願元氣網緼真風舒密室家  
祚胤膺福壽以咸宜宗社臣民荷禎祥而均慶

玉帝

維天與祖宗既全界付自身而家國悉有禱祈爰啓  
真科用干洪造伏願鑒觀做懼孚佑眇冲保和宮壺  
之安錫羨本支之盛至于臣庶共樂生成

星主

星環次舍仰瞻天極之尊氣幹陰陽妙宰帝車之運  
景光來下秘祝用陳伏願司命紫微自中宮而獲福  
儲祥寶系率下土以蒙休

天皇

坤拱神圖妙秉萬機之會坐臨華蓋旁分六甲之司  
戴祀殊庭承禋穹宇伏願抱極樞而環照皆占至順  
之祥奉天一以尊居增授泰元之筭

后土

奉若柔祇配皇天而立極統臨廣寓宅吉土以升中  
爲國有祈維靈斯答伏願群生成遂九有首安玄乙  
親祠綏保徽音之嗣黃流用裸燕貽翼子之謀

醮星祝文應制

迎神

灝灝圓穹三光昭明四方八維柔祇利貞蜡通百禩



歲事告成犧尊多儀來享克誠

天剛

天眷萬方篤生聖明受命溥將攝提建貞天田之上  
左角所經蒼龍致福萬歲咸寧

羅喉

受天明命百靈翊扶旁燭有光赤燦之餘首乎天經  
形隱弗舒戢爾矛戟迎祥帝居

室宿

河有天源木貴天根帝命降祉元台為尊定之方中

道目

十二

煌煌焯焯推而祀之萬福之門

弔容

昊天成命如日斯照運行推移載占其小有容冠素  
適據隅兆祝而祓之易號以笑

小吉

乾以天健坤以地厚鶉首之墟土德孔阜肅肅中宮  
元命昭祐六五黃裳元吉之繇

太陽

日以象君月以象后陰承陽輝萬福備有晨光熿融

晝景煥明以壽以安以生以成

參宿

參墟耀靈土德長生台息其和發為滋榮正位居體  
西南利貞培本長源萬福來成

金神

中宮土德位南之西太白流英挾威以躋雄毅肅嚴  
戈鋌利犀尚革而從降福孔皆

太衝

煜煜青陽震雷之門玉兔肖類蒼龍儲恩帝宵天錫

景命翊元東望孔祠扶桑載暎

太陽

肅肅紫微前星有輝上承天光仰接日儀煦煦為春  
明明在時陽德粹純品物咸熙

斗宿

星回于紀斗臨漢潢璧合珠聯三辰齊光震夙元台  
肇此青陽司中有神源深流長

白虎

木性東榮金行允勝刑德之交史謹其徵於菟眈眈

負鳴若闢率義從仁祈報斯稱

病符

六氣之邪孰執其契歲行神從臨午之位青陽占運  
適與之值祝以移精安和允濟

太陽

靈臺有祀報本主日仰瞻陽光步我神睿歲周星回  
天序有秩牲幣敬共嘉惠申錫

太歲

日月次周成我歲功百神具來群蜡畢通明堂嚴嚴

清日卷六十三

十四

盛德容容享我報祈以興嗣豐

青龍

龍有天德維木之仁大明生東獻歲發春時而淵潛  
時而奮申施惠自天至于庶民

歲后

赫若歲陽其配在陰以肅內治以保中臨丁女癸妃  
其從如林通幽達微鑒德以歌

送神

神來如雲神惠如雨彌天映日惠澤周普歲行維新

秩祀咸舉相于皇明永作神王

黃錄普天大醮青詞應制

建壇

歷念先朝悵神遊之日遠言脩秘祝導靈氣之時升  
闢玄景以通誠建紫壇而經始伏願懸珠空境扶玉  
方輿風馬雲車順陰陽而陟降龍章鳳篆舉幽顯以  
鈞陶

第一朝

肅肅在廟永懷弓劍之遺濯濯厥靈恒若羹墻之見  
爰資神筭用導英儀伏願列聖齊臨萬真環拱寅賓  
出日返往駕於中天妙合迴風發化機於厚地

第二朝

企仰山陵想音容而永慕顧瞻霜露感時序以增哀  
爰即紫壇奠迴玄馭伏願天健其行而無息日窮于  
次而又新神氣昭明式慰臣民之望景光旋復更貽  
胤祚之安

第三朝

藩屏國家實屬本支之盛沈淪泉壤每傷幽顯之殊

逝璇宇之流光廻銀潢之逝水伏願會靈絳闕受煉  
朱陵在河嶽在星厓還復生民之始配天地配日月  
永承丕祚之隆

第四朝

禕瑜在御歷思儼極之尊車服充庭備念禮華之盛  
慨生存之弗永致薦悼以惟勤伏願施德自天資生  
繇地性靈不昧釋然幽滯之懷運祚無疆仍會聖明  
之樂

第五朝

追懷神聖脩殷薦於層霄爰念臣鄰淪英魂於厚壤  
俾偕膺於金錄庶仍從於瓊輿伏願受日之光承天  
之祐圭璋濟濟眡王國以並生明典昭昭秉民彝而  
不昧

第六朝

內脩外攘寧免兵刑之用上征下暴更深泉壤之悲  
拯無告於重陰寔有資於大造伏願天光旁燭地氣  
昭升斷者續死者生頓釋幽關之故想病者愈憂者  
樂永爲化國之新民

第七朝

國家每念於生靈則脩治道體魄或淪於苦趣更轉  
化機啓勝會於今晨廓迷途之宿業伏願陽開陰闔  
天施地生執錄把符仰至真而得度葆和正性圉大  
化以長年

第八朝

存順沒寧極幽明而無憾往禪來續妙化育於下窮  
宣金錄之玄文保羅圖之景運伏願乾坤毓德日月  
垂光列聖在天共敷恩於祚胤一人有慶永錫福於

臣民

第九朝

天佑邦家總基圖於九有日臨海宇妙樞紐於群生  
仰三景之高居罄一忱而昭謝伏願降年有永錫福  
無疆凡在臣鄰咸保忠貞之節庶幾民物常依道德  
之光

解壇

肅肅紫壇旣脩九朝之禮煌煌金錄益增列聖之光  
釐事告成誠心亨格伏願神隨天運福被坤輿瑞日

祥雲常麗層霄之景太山磐石永隆萬世之基

設醮青詞應制

三清

天眷基圖列聖繼守成之緒時因曆數先皇成厭代  
之期敢緣追遠之初心普致闡幽之忱禱伏願開明  
三景敷落五文九轉成真既脩生神之妙百靈交鬯  
復還象帝之先仍錫壽祺并祈康阜

玉帝

昔扣玄穹道近親之神識端臨素幄致大寶於嗣君

入道園類卷十三

六八

乃陳秘籙之科溥濟幽闢之趣伏願昭宣天德旋復  
氣機陟降帝傍九族逍遙於金闕經綸宇內群生成  
遂於懸圖申錫長年永依妙道

后土

基圖鞏固每資厚載之功體魄歸藏謹候昭升之氣  
降璇宮而來享鑒金籙之敷宣伏願效法成能資生  
有道超神太極齊日月於中天合景至陽綏子孫於  
下地

東極

先皇厭代因軫念於幽扃上帝好生爰禱祈於東極  
冀瑞光之遠逮引群識以俱超伏願甘露霽林慈雲  
就日丹輦寶蓋並從妙道以高居玉曆金符永鎮生  
民之極樂

風伯

東朝有命祗肅元壇上帝鑒臨萬靈率職咨爾風伯  
塵路惟清戢暴扇和熙享用成急急如律令

雨師

咨爾雨師灑道是司和陽散陰相成祝釐

皇后脩建黃籙大齋齋意

言念宗親將薦誠於既遠遽罹大故屬在夜之方深  
肆嗣皇繼序之新申前日籲天之實普起幽爽咸濟  
生靈伏願道妙無方真游如在升九霄之神氣衍億  
載之昌圖凡囿化工並承德施

正薦文

言念先朝列聖帝室懿親蚤遺體魄於人間思導  
神明於天上鼎湖弓墮俄興臣妾之悲丹闕禮成既  
得基圖之托及燕休於長樂申祈禱於太清惕然霜



露之寒恍若風雲之會龍儀虎衛陽光照灼於朱陵  
貝闕珠宮明水激揚於東井願金支之並濯與玉氣  
以俱非穆穆乎秉德之肅雍洋洋乎在帝之左右輯  
和九族驩虞還若於生存旋歷層霄感爽頓忘於滯  
滯返至真而無外與造化以爲徒况王政施仁必先  
無告而大鈞播物何間有生更推滄海之餘波徧及  
幽關之苦趣妙機所運道化同超明則復爲人亦我  
聖神之賜歛而錫之福廢乎寬大之恩嘉與明時共  
躋壽域惟天地日月合德合明保子孫黎民能安能

久

孤魂榜

生死者晝夜之常汝勿認昭昭靈靈之識坎離者乾  
坤之用吾以開生生化化之基茲者清朝稟承慈極  
尊尊而思逮於凡下親親而念及於幽遐道揚列聖  
之法筵普惠重泉之苦趣如茲良會實號希逢汝孤  
魂等昔受天地之降衷其初皆善各累形氣而逐物  
以妄爲常貪者徇財烈者徇名忿則如山慾則如澤  
極沈淪而愈降恣飄蕩以忘歸因根接塵隨境生解

爲寒冰爲湯火皆其一念之莖爲鬼域爲豺狼遂入  
萬殊之變原其名數何可歷陳我是以廣大上之好  
生推妙嚴之濟衆酌黃華於東井蕩爾形骸耀丹治  
於南宮陶其靈質宿業不存於故想化機更造於生  
成不溺不焦爾可以見本真之不昧能流能焰爾可  
以驗道氣之常行承茲三景之開明即詣諸天而受  
度更無退轉並樂超昇

風伯文

維風有神在巽之位地附天而不墜持舉於中陽旋

廿一

陰而時行扶搖直上今則至尊有禱上帝來臨伏願  
宣靈氣於八門穹祇翕合卻飛塵於九地宇宙廓清

兩師文

恭承帝命祇祀兩師出雲氣於山川彌綸瓊闕濯天  
章於河漢飛洒玉都今則肇起玄壇導迎法駕伏願  
六龍調馭順和協於陰陽萬物潤滋肅澄清於天地

門帖

正三門

華蓋北瞻天帝座蓬萊東擁道家山

啓玄殿

尺尺天光開玉府萬重道氣見金容

正薦位

雙鳳駕雲開輦路群龍環日護天香

總真殿

春當霄漢三台貴朝步星辰四輔尊

萬法宗壇門

玉殿受釐春意滿竹宮拜貺景星明

北斗殿

道圃類集卷三

廿二

慶雲郁穆承天闕景緯昭回共斗樞

殿後東門

仙音縹緲鸞凰合神衛森嚴虎豹閒

景曜殿

三光合景扶元氣五緯齊明報德星

寥陽殿

五文結篆開天極九氣生神象帝先

朱陵府

九華曲蓋迎司命七寶芳林主好生

齋厨

金鼎蟠龍甘露溢王芝成象大庖盈

齋堂

報聞千歲蟠桃熟約取九霄飛佩來

焚郭

莫就此間存活計便教向上得光明

祈福保安齋詞應制

長春宮齋意

上帝眷佑長貽宗社之隆至道冲盈式衍邦家之福

屬偶嬰於疾疢爰謹事於禱祈伏願聖鑒昭回祥光  
旁燭身逢康泰暨中壺以平安運協壽昌與多方而  
寧謐

青詞

治平之運仰荷洪庥疾疢之生敢忘忱禱爰命羽衣  
之士敬敷寶笈之科伏願五帝儲華三光協德身康  
彊而逢吉有永壽祺國清淨以無為均蒙福惠

崇真宮齋意

丕承付託仰資天地之和祇有啓居偶感陰陽之沴

喜遘臻於康復爰謹致於禱祈伏願輯福上躬錫禧  
中壺前星炳煥協家國之尊安景貺熙明及臣民而  
定壹

青詞

神明垂祐丕顯隆平福履愆和偶嬰疾疢敬祠靈宇  
備葺琅科伏願景貺來臻壽祺永錫康強逢吉承宗  
社之安化育成功長乾坤之造

上梁文應制

大龍翔集慶寺正殿小上梁文

伏以龍光有赫象教方興式嚴前殿之崇祇奉祇園  
之勝上棟下宇方締構於良工細補大采並具材於  
貞榦成規斯在願力維弘伏願天相聖心佛加神運  
百重闌楯移來天上之慈雲萬歲山河永鎮人間之  
福地

吾殿小上梁文

兜率化宮移來地上梵天新刹示現人間坐延衆佛  
之臨殿有四阿之制鉤心闔角先崇締構之宜審面  
飭材已具經營之素式觀地架儼若天成伏願龍象

翊扶鳳凰翔繞丹青金碧赫然佛日之輝黼黻文章  
求著 皇風之盛

大龍翔集慶寺正殿上梁文

伏以虎踞龍蟠卽淵潛之佳地雲興霧湧建梵釋之  
新宮巍巍中正之居赫赫大惟座欽惟

欽天統聖至德誠功大文孝皇帝惟天爲大如日之  
升經綸旣正於洪規崇信不忘於願力美矣善矣大  
成舜帝之蒞韶經之營之匪爲文王之臺沼我佛有  
護國救民之助吾 皇示報功崇德之心黃金滿布

於祇園華構上移於兜率式崇大殿爰舉脩梁相我  
工人陳茲善頌

拋梁東日上扶桑散曙紅鹿苑珠璣涵曉露鍾山  
草木動春風

拋梁西石城突兀護江堤舊遊曾見群龍舞望幸  
猶聞六馬嘶

拋梁南蒼龍曾此臥江潭風雲會合千峯一山谷  
傳呼萬歲三

拋梁北瞻望帝星臨萬國山川誰謂地東南形勢

只知天咫尺

拋梁上白玉毫光千萬丈 吾皇還似覺皇尊龍  
象人天皆拱向

拋梁下亦有幘幪千萬厦彌天法雨本無私滿月  
明珠寧有價

伏願上梁之後 皇基鞏固紺宇尊高紀億萬年共  
祝 聖神之壽徧大千界同沾殊妙之恩

吾殿上梁文

伏以浴日九淵現禎符於鍾阜承天八柱建名利於  
台城爰開方廣之筵用祝周阿之殿欽惟

欽天統聖至德誠功大文孝皇帝清明有鑠故舊不  
遺鷺起星河萬斛綵舟之容與鳳歸天闕七重寶樹  
之檀欒凡轍跡之所臨宜珠光之共護脩梁肇舉善  
頌斯陳

拋梁東萬丈紅光接寶宮古佛昔來龍繞座高僧  
時謁錫飛空

拋梁西長安日近碧雲齊但依貝闕瞻龍象卽是  
鸞輿慰老倪

拋梁南千年玉氣現優曇浴龍池水警功德擁日

山峯盡翠嵐

拋梁北上意每憐江樹碧紺宮留鎮國南門華蓋  
瞻依天北極

拋梁上紫蓋紅雲春蕩漾舉頭見日庶民心思佛  
思君同一想

拋梁下慈雲恩雨均沾灑三年以至萬斯年長樂  
昇平承福巖

伏願上梁之後 皇風遠播佛日同輝四字八荒總  
被覺慈之化億靈萬載永歌帝力之加





